

Saturday, March 1, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

## CHAPCHAR KUT

Chief Minister Pu Lalduhoma'n Kumin Chapchar Kut chu zofate inpumkhatna ti zualtu anih ngei a beisei a ti a, khawvela hmuh Mizo hnam ziarang leh ropui tak phochhuahna hun anih ngei a beisei tih a sawi.

Chief Minister chuan Instagram kaltlangin he thu hi sawiin kumin Chapchar Kut chu zofa hmun hrang hranga awm te ropui taka hmang turin a sawm a, Chapchar Kut thupui Hawihhawmna chu Mizo hnam ziarang ropui tak, khawtlang nun leh inlaichinna ah bet tlat a ni a, he kut hmang hian he ze ropui tak hi chawi sana a awm theih nan mi zawng zawng tel turin a sawm a ni.

Art and Culture Department bultumin kumin Chapchar Kut chu Aizawl bakah District headquarters zawng zawngah leh rampawna Mizoram House ah hman a ni dawn a, thupui atan Hawihhawmna a ni dawn a ni. January ni 16-a Chief Minister Pu Lalduhoma kaihhruaia Chapchar Kut organising committee thukhawm chuan kumin Chapchar Kut thupui atan "Zo nun ze mawi - Hawihhawmna" tih chu an thlang a, Chapchar Kut hmanna pui ber chu Aizawl lammualah March ni 6 leh ni 7 ah neih tura duan a ni a. Ni 6 ni hian Home Minister Pu K. Sapdanga chu khuallian a ni ang a, ni 7 niah Chief Minister Pu Lalduhoma khuallian a ni dawn a, Kut puala programme pawimawh dang chu March ni 3 atanga kalpui tan tur a ni.

March ni 3 ah hian Chapchar Kut pual Tlan (Kut Run) buatsaih a ni dawn a, ni 4 ah Flower Show leh Painting & Exhibition Show kalpui tan tura ruahman niin March ni 5 ah Chapchar Kut heritage tour buat a ni ang a, he mi ni vek hian Falkawn Zokhuaah Mizo Pi leh pute Nun tarlanna hun buatsaih tan a ni dawn a. A tuk ni 6-ah pawh neih chhunzawm tur niin Ni 5 ah vek hian Kut pual Handloom, Textile & Handicraft Exhibition and Food Processing & Food Court hawn a ni ang a, exhibition & food court hian ni 7 thleng a awh dawn a ni.



## CM

Chief Minister Pu Lalduhoma'n Lirthei khalh thin ten himna dan leh traffic dan chu ngai pawimawh thar turin a duh thu a sawi a, Lirthei chetsualna thleng nasa chu pawl a tih thu a sawi.

Chief Minister hian social media kaltlangin he thu hi tarlangin khua thah chho zelah mi tin te fimkhur turin a chah a, In leh ram lama kangmei chhuak thei reng anih avangin mi tin fimkhur tura chahin lui kal te pawh fimkhur a ngaih thu a sawi.

Sawrkhar chuan nimin khan thuchhuah siamin kumina lo kal tur te chuan March ni 15 hma in hal vek tur anih thu alo chhuah tawh a, hmunhpiah hmun neite tan March ni 31 thleng lo hal hun hawn niin Lo hal tur ten lo hal hma in

mei kawng tha taka sial vek tura tih an ni a, ram tikanglo tura mi tin te inveng tura chah in ramhnuaiah meizial bung paih leh meichhem lo turin a hriattir a, Kangmei laka him theih nan in leh a vel tifaitha in awlsam taka kang thei petrol leh diesel lakah fimkhur turin thu a chhuah bawk.



## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.



## MLP ACT 2019

Mizoram Liquor Prohibition Act hnuaiah January thla chung khan zu zuar mi 504 man an ni a, hemi kaihnawihah hian zu thahnem tak man niin zu rui mi 60 man an ni bawk.

Excise and Narcotics Department thuchhuah tarlan danin kumin January thla khan zu zuar mi 483 an man a, Police lamin mi 21 man in an man belhkhawm hi mi 504 an ni a, hemi kaihnawihah hian zu thahnem tak man niin January thla chung vek hian Excise Department in zu rui mi 38 an man a, Police lamin mi 22 an man bawk a ni.

Thuchhuah tarlan danin MLP Act 2019 hnuaiah Rakzu tam tham tak man niin litre sang 6 chuang man a ni a, zu bilh lai tin 2216 man niin Dawidim kg 52.8 man a ni a, sap zu bottle sanghni zasarih chuang man niin beer leh wine hrang hrang pawh man a ni a, zu sahna bel 93 pawh man telin heng zu kaihnawihah hian Excise in motor 7 an man a, Police in 3 man in a vaia motor man belhkhawm hi 10 a ni.



## RNU WORKSHOP

Akashvani Aizawl Regional News Unit buatsaih Mizo tawnga news zia leh chhiar dan zirhona chu vawiin khan Akashvani Aizawl Multipurpose Hall ah hman a ni.

Vawiina hun hman hi Akashvani Aizawl Director leh Mizoram Cluster Head Pu DR Lalropuia chuan a hman pui a, Radio hmanga news puan chhuah kawngah hmasawna tur tam tak a awm tih sawiin thawktute chu hma lam pan tuma theihtawp chhuah theuh turin a sawm a ni.

Vawiina hun hmanah hian pawn lam atanga mithiam Pu Rozama Chawngthu, Synod Higher Secondary School Principal hlui leh Dr H. Laldinmawia, Asst Professor, Pachhunga University College bakah hun rei tak chung Radio news puangtu Pi Lalramliani ten kalkhawmte tan thu pawimawh tak tak an sawi a ni.

Vawiina hun hman hi Regional News Unit Head Pu Gin Gangte, Asst Director (News) chuan tel puiin Akashvani-a thawktu hrang hrang te an tel bawk.

